

**Udlændinge- og
Integrationsministeriet**

14. oktober 2025

Udlændinge- og
IntegrationsministerietIndfødsret
Slotsholmsgade 10
1216 København KTel. 6198 4000
Mail uim@uim.dk
Web www.uim.dk

CVR-nr. 36977191

Sagsbehandler
Niels Rune BrandtSags nr. 2022 - 15444
Akt-id**EQIKKAANEQ****Qallunaatut innuttaassuseqarneq pillugu inatsisip allanngortinneqarnera
pillugu inatsisit assigiinngitsut Kalaallit Nunaannut
atuutilersinneqarnissaat pillugit peqqussummut missingiut**

1. Qallunaatut innuttaassuseqarneq pillugu inatsit Kalaallit Nunaannut atuuttoq, inatsimmik allanngorneri ilanngullugit nalunaarutiginninnermi nr. 2307-imi, 8. december 2020-imeersumi oqaasertaliorneqarpoq.

Inatsimmik allanngorneri ilanngullugit nalunaarutiginninneq taanna, innuttaassuseqarneq pillugu inatsimmi Danmarkimut atuuttumi, allannguutini, 2016-i ilanngullugu akuersissutigineqarsimasunik imaqarpoq.

Tamatuma kingorna innuttaassuseqarnermik inatsimmi allanngortitsinerit arlallit akuersissutigineqarput, taakkunanilu nunap ilaanut tunngasumik aalajangersakkat ilanngunneqarput, taamaalilluni inatsimmik allanngortitsinerit tamakkiisumik imaluunniit ilaannakortumik Kalaallit Nunaannut atuutilersinneqarsinnaapput.

Naalagaaffimmut innuttaassuseqarneq pillugu malittarisassat tunngaviusumik aamma inatsiseqartitsineq pissutigalugu naalagaaffimmi tamarmi assigiittariaqarput, tassami qallunaatut innuttaassusermik peqarneq inatsisitigut sunniutaasunik arlalinnik, naalagaaffimmi tamarmi atuuttunik aalajangersagaqarpoq, assersuutigalugu Folketingimut qinigaasinnaatitaaneq.

Taamaammat Udlændinge- aamma Integrationsministereqarfiup Qallunaatut innuttaassuseqarneq pillugu inatsisip inatsisillu assigiinngitsut Kalaallit Nunaannut atuutilersinneqarnissaat pillugit peqqussutissamut missingiut suliarisimavaa.

2. Peqqussutissatut missingiutikkut saqqummiunneqartukkut inatsimmik allanngorneri ilanngullugit nalunaarutiginninnerup nr. 2307-ip, 8. december 2020-imeersup atuuttup nutarterneqarnissaa siunnersuutigineqarpoq, taamaalilluni qallunaatut innuttaassuseqarneq pillugu inatsisip atuuttup Danmarkimi aamma Kalaallit Nunaanni naapertuutilernissaa missiliorneqarluni. Qallunaatut innuttaassuseqarneq pillugu inatsimmi allanngortitsinerit tulliuttut tamakkiisumik imaluunniit ilaannakortumik, Kalaallit Nunaanni pissutsinut naleqqussaanerit allannguutigalugit, Kalaallit Nunaannut atuutilersinneqarnissaat siunnersuutigineqarpoq:

- Qallunaatut innuttaassuseqarneq pillugu inatsisip aamma nunani allamiunut inersimasunut qallunaatut ilinniarnissaq il.il. pillugit inatsisip allanngortinneqarnissaat pillugu inatsimmi nr. 1735-imi, 27. december 2018-imeersumi (inatsit tunngaviusoq pillugu nalliuttorsiorpalaartumik katerisimaarnerit kommunalbestyrelsinut nuunneqarnerat, nunami allami inunngorsimanerup kingorna qallunaatut innuttaassuseqalernissamut qinnuteqaateqarnermi akiliutip qaffanneqarnera aamma qallunaatut ilinniartinneqarnermi nunami allamiut najuutinnigittarnerat pillugu malittarisassat erseqqinnerusut aalajangersarneqarnerat il.il.), § 1.

Inatsit tunngaviusoq pillugu nalliuttorsiorpalaartumik katerisimaarnerit kommunalbestyrelsinut nuunneqarnerat kiisalu nunami allami inunngorsimanerup kingorna qallunaatut innuttaassuseqalernissamut qinnuteqaateqarnermi akiliutip 3.800 kr.-inut qaffanneqarnera, inatsimmik allanngortitsinerup kinguneraa.

Inatsit tunngaviusoq pillugu nalliuttorsiorpalaartumik katerisimaartitsinerit pillugit allanngortitsinerit Kalaallit Nunaannut atuutilersinneqarnissaat siunnersuutigineqanngimmat maluginiarneqassaaq, tassami nalliuttorsiorpalaartumik katerisimaartitsineri il.il., nunami allami inunngorsimanerup kingorna qallunaatut innuttaassuseqalernissaq pillugu kaajallaasitami nr. 9461-imi, 17. juni 2021-imeersumi § 2 A, imm. 2 malillugu nunami allami inunngorsimanerup kingorna qallunaatut innuttaassuseqalernissakkut qallunaatut innuttaassuseq pillugu qinnuteqartunut Kalaallit Nunaanni najugaqartunut peqataanissamik piumasaaqat piumasaaqaataanngilaq. Qinnuteqarnermut akiliut kingusinnerusukkut inatsisikkut nr. 2057-ikkut, 16. november 2021-imeersukkut qaffanneqarmat, kisianni aalajangersagaq inatsisilerinikkut pitsaassutsinik isumannaarinninnerit pissutigalugit atuutilersinneqarnissaa

siunnersuutigineqarmat, aammattaaq maluginiarneqassaaq.
(Missingiummi § 1, nr. 23 aamma 24)

- Nunani allamiut pillugit inatsisip aamma qallunaatut innuttaassuseqarneq pillugu inatsisip allanngortinneqarneri pillugit inatsimmi nr. 173-imi, 27. februar 2019-imeersumi § 2 (nunami allamiut ukiukitsut inissinneqartarneri pillugit malittarisassat allanngortinneqarneri, nammineersinnaajunnaarsitaaneq pillugu suliani naammagittaalliorsinnaanerup aaqqinneqarnera, aallartitsinermi nunani allamiut politiinit misissorneqartarnerat pillugu malittarisassat erseqqissarneqarnerat, Statsforvaltningip atorunnaarsinneqarnerata malittarisaanik piginnaatitsinerit allanngortinneqarneri il.il.)

Piginnaasaqarnerup statsforvaltningimiit Udlændinge- aamma Integrationsministereqarfimmut nuunneqarnera, inatsimmik allanngortitsinerup kingunerisimavaa.

Allanngortitsinermut inatsimmi § 2, nr. 2 peqqussutissatut missingiummi ilaatinneqannginnera maluginiarneqassaaq, tassami Naalagaaffiup Sinniisoqarfiata nalunaarummik itigartitsinera pillugu naammagittaalliuuteqarsinnaaneq innuttaassuseqarneq pillugu inatsimmi § 4 A, imm. 2-mi oqaaseqatigiit aappaata atorunnaarsinneqarnissaanik kinguneqartussaavoq.
(Missingiummi § 1, nr. 7)

- Qallutaatut innuttaassuseqarneq pillugu inatsisip aamma nunani allaniut pillugit inatsisip allanngortinneqarneri pillugit inatsimmi nr. 1057-imi, 24. oktober 2019-imeersumi § 1
(Nunami angerlarsimaffiginngisaminni sorsuttartut naalagaaffimmi innuttaassusaannik arsaarinninneq il.il)

Pineqartoq taamaaliornikkut naalagaaffimmi sumiluunniit innuttaassuseqarunnaassanngippat, inummut iliuutsumik, nunap pingaarutilimmik soqutigisaanik ilungersunartumik ajoqusiisumik iliuuseqartumut, udlændinge- aamma integrationsministerip qallunaatut naalagaaffimmi innuttaassuseqarnermik arsaarinnissinnaanera, inatsisip allanngortinneqarneratigut eqqunneqarpoq. Tamatuma peqatigisaanik, paasissutissat suliap naliliiffigineqarnerani ilaasut suut, akuusumut imaluunniit udlændinge- aamma integrationsministerimut ingerlateqqinneqartarnissaat pillugit malittarisassat, kiisalu suliat taakku eqqartuussivinni misilinneqartarnerat pillugit malittarisassat eqqunneqarput.

Ulloq taanna nallertinnagu allatut aalajangiisoqanngippat, allanngortitsinermik inatsimmi § 3, imm. 2 malillugu inatsit ulloq 1. juli 2021 atorunnaarsinneqartussaana, Kalaallit Nunannut atuutilersinneqassanngimmat maluginiarneqassaaq, tassami aalajangersagaq kingusinnerusukkut inatsisikkut nr. 2228-ikkut, 29. december 2020-imeersukkut atorunnaarsinneqarpoq. (Missingiummi § 1, nr. 20-imiit 22 ilanngullugu aalajangersakkat, aamma § 2, imm. 6)

Qallunaatut innuttaassuseqarneq pillugu inatsisip aamma nunani allani sullissiviit pillugit inatsisip allanngortinneqarneri pillugit inatsimmi nr. 63 af 28. januar 2020-imi § 1

(sumiiffinni nunamut isernissamut- aamma najugaqarnissamut inerteqquteqarfiusuni meeqqat naalagaaffimmi innuttaassusermik pissarsisinaanerat, atassuteqaatini inummut pingaannginnersumut ilungersunartumik pinerluuteqarsimannginnissamik imaluunniit iliuutsinik pinerluttuliornerusunik iliuuseqarsimannginnissamik piumasaqaatit, qallunaatut innuttaassuseqarnerup annaaneqarnera aamma nunani allani sullissivinnit ikiorneqarnissap killilerneqarnera il.il.)

Tassuuna qitornaq naalagaaffimmi sumiluunniit innuttaassuseerutissanngippat, angajoqqaq taanna akuersissummik peqarani, aamma qallunaat, nunanit allamiut imaluunniit nunat tamat akornanni pisortat sullissinerannik imaluunniit suliaqartitsinerannik atasumik sulinani sumiiffimmut isersimappat aamma najugaqarpat, qitornat sumiiffinni nunamut isernissamut- aamma najugaqarnissamut inerteqquteqarfiusuni inuusimasut inunngornerminni angajoqqaaminit qallunaatut innuttaassuseqarnermik pissarsinnginnissaat pillugit malittarisassat ilaatigut inatsisip allanngortinneqarneratigut eqqunneqarput. Aammattaaq atassuteqaatini inummut pingaannginnersumut aamma inummut nunami allami inunngorsimanerup kingorna qallunaatut innuttaassuseqalerniarluni nalunaaruteqartumut ilungersunartumik pinerluuteqarsimannginnissamik imaluunniit iliuutsinik pinerluttuliornerusunik iliuuseqarsimannginnissamik piumasaqaatit eqqunneqarput. Tassuuna qitornaq naalagaaffimmi sumiluunniit innuttaassuseerutissanngippat, qitornaq pineqartumit innuttaassutsimik pissarsimappat, kialluunniit innuttaassuseqarnini annaappagu, taava pineqartup qitornaata innuttaassuseqarnini aamma annaasaqarsinnaanera pillugu malittarisassat eqqunneqarput. Qallunaatut innuttaassuseqarnerup annaaneqarneranik imaluunniit arsaarinnissutigineqarneranik suliat aammattaaq unionimi innuttaassuseqarnermik annaasaqarnissamik

kinguneqarnissaanik, inatsisissatut siunnersuut naggataagut tunngassuteqarpoq.

(Missingiummi § 1, nr. 1, 2, 5, 9, 11, 12, 14 aamma 15, aamma § 2, imm. 3)

- Nunani allamiut pillugit inatsisip, nunasisunik inuiaqatigiinnut akulerutsitsineq pillugu inatsisip aamma inatsisit allat allanngortinneqarneri pillugit inatsimmi nr. 821-imi, 9. juni 2020-imeersumi § 2 (Malittarisassat piuminarsarneqarneri, matumani Udlændingenævnimut naammagittaalliorsinnaaneq aamma isernissap inerteqqutigineqarnera, akiliutit utertillugit akilerneqarnissaannut annikitsuarakasiit pillugit killiliussap eqqunneqarnera, aallarnissamut piffissaliussap sivitsorneqarnissaanut piginaatitaaneq aamma piginnaatitaanerup allanngortinneqarnerata erseqqissarneqarnera, ilaatigut utertitsisarneq aamma nunamut tassunga isernissap inerteqqutigineqarnerani, peqqussummi ilaatinneqartuni, pingaarutillit erseqqissaavigineqarnerat pillugit anisitsisarnermi Danmarkip Schengenimi malittarisassanik atuinerata nalilersuffigineqarnerata malitseqartinneqarnera il.il.)

Akiliutit akilerneqartarnerat pillugit malittarisassat erseqqissaavigineqarnerat inatsimmik allanngortitsinerup kinguneraa, matumani akiliutini utertillugit akiliinermi akiliutaavallaartut annikitsuarakasiit pillugit killiliussap eqqunneqarnera.

(Missingiummi § 1, nr. 25 aamma 27, aamma § 2, imm. 7)

- Nunani allamiut pillugit inatsisip, qallunaatut innuttaassuseqarneq pillugu inatsisip aamma angerlamut angalatitsineq pillugu inatsisip allanngortinneqarneri pillugit inatsimmi nr. 1192-imi, 8. juni 2021-imeersumi § 2 (Visummit pillugit suliaasaqarfimmi nalinginnaasumik naammagittaalliorsinnaanerup eqqunneqarnera, visummit pillugit suliat ilaanni sunulluunniit pisinnaatitaaffeqalernissamut piffissap ingerlaqqaarnissaanik piumasaqaatit, diplomatinut siviluumik visumminik atulersitsinissamut periarfissaliissutip pissarsiarineqarnera il.il., sulinissamut malittarisassat assigiinngitsut aaqqinneqarneri, namminerisamik illusimmaviit aamma qimaasutut isernissamik qinnuteqartunut ininik nammineq akilersukkanik illusimmaviit, nunani allamiunut ukiukitsunut katissimasunut imaluunniit aappariinnut immikkut illusimmaveqartitsinissap aallartinneqarnissaanut periarfissaliissutip erseqqissarneqarnera, ukiukitsut ilaqartinneqanngitsut inissinneqarnissat pillugit aalajangiinerit naammassineqarnerat aamma siusinnerusukkut qallunaatut naalagaaffimmi innuttaassusilinnut

Piffissami qallunaatut innuttaassuseqarnerup annaaneqarnerata aamma nalunaarummik nalunaaruteqarnerup akornani nalunaaruteqartoq imaluunniit inuk pingaannginneq piumasaqaatitaqanngitsumik nammineersinnaajunnaarsitaanermik eqqartuunneqarsimanngippat, soorlu aamma nalunaaruteqartoq, nunami allami inunngorsimasoq, 22-inik ukioqalinnginnermini naalagaaffimmi matumani najugaqarsimanissaa imaluunniit naalagaaffimmi matumani minnerpaamik ukiumik 1 sivisutigisumik najugaqarsimanissaa, siusinnerusukkut qallunaatut naalagaaffimmi innuttaassuseqartunut aamma pineqartup qitornaanut ulloq 1. juli 2026 tikillugu nalunaaruteqarsinnaaneq inatsisip allanngortinneqarnerata kinguneraa.

(Missingiummi § 1, nr. 10 aamma 26)

- Qitornaq Sydslesvigimi imaluunniit Kiel Kommunimi najugaqarpat aamma Sydslesvigimi imaluunniit Kiel Kommunimi qallunaat atuarianni atuarsimappat imaluunniit paaqqinnittarfianni paaqqutarineqarsimappat imaluunniit angerlarsimaffimmi minnerpaamik ukiumi 1-mi paaqqutarineqarsimappat, Sydslesvigermiut qallunaatut misigisimasut qitornaat inuttut pingaannginnerusutut qallunaatut innuttaassuseqalersinnaanera periarfissaasoq, inatsisip allanngortinneqarnerata kingunerisimavaa. (Missingiummi § 1, nr. 12)

- Qupperneg 6

katerisimaarutigineqarnerani assamminnissaq pillugu
malittarisassanik erseqqinnerusunik aalajangersaasinnaanermut
piginnaatinneqarneq aamma akiliutip, nunami allami
inunngorsimanerup kingorna qallunaatut
innuttaassuseqalernissamut qinnuteqaateqarnermi
akilerneqartussap qaffanneqarnera)

Nunani avannarlerni naalagaaffimmi innuttaasunut 18-it 23-illu
akornanni ukioqartunut nunami allami inunngorsimanerup kingorna
qallunaatut innuttaassuseqalersimasunut nalunaaruteqarnikkut
innuttaassuseqalersinnaanerup atorunnaarsinneqarnera, nunami
allami inunngorsimanerup kingorna qallunaatut
innuttaassuseqalernissamut qinnuteqaateqarnermi akiliutip
akilerneqartussap 4.000 kr.-inut qaffanneqarnera inatsisip
allanngortinneqarnerata kinguneraa. Aammattaaq
innuttaassuseqalernissamut misilitsinnermi inatsisip tunngavik
nutaq kiisalu inatsit tunngaviusoq pillugu nalliuttorsiorpalaartumik
katerisimaarutigineqarnerani inatsisitigut tunngavik nutaaq pillugu
malittarisassat allat, inatsisip allanngortinneqarnerata
kingunerisimavaa.

Innuttaassuseqalernissamut misilitsinneq pillugu allanngortitsinerit
Kalaallit Nunaannut atuutilersinneqarnissaat
siunnersuutigineqanngimmat maluginiarneqassaaq, tassami nunami
allami inunngorsimanerup kingorna qallunaatut
innuttaassuseqarnissaq pillugu qinnuteqartut Kalaallit Nunaanni
najugaqartut, nunami allami inunngorsimanerup kingorna
qallunaatut innuttaassuseqalernissaq pillugu kaajallaasitami nr.
9461-imi, 17. juni 2021-imeersumi ilanngussa 4, nr. 4 malillugu
Innuttaassuseqalernissamut misilitsinnermi 2021-imeersumi
angusisimanerminnik uppersaarnissami ilaatinneqanngillat.
Taamatuttaaq inatsit nr. 1735, 27. december 2018-imeersoq qulaani
taaneqartoq malillugu, inatsisip tunngaviusup
nalliuttorsiorpalaartumik katerisimaarutigineqarnerani
malittarisassat allanngortinneqarnissaasa
atuutilersinneqannginnissaat siunnersuutigineqarpoq.
(Missingiummi § 1, nr. 6, 8, 13, 23 aamma 24)

- Qallunaatut innuttaassuseqarneq pillugu inatsisip
allanngortinneqarnera pillugu inatsit nr. 453, 20. april 2022-
immersoq
(Pissutsinut pillaatissiissutaasunut, naalagaaffiup
pingaarluinnartumik soqutigisaanik ilungersunartumik ajoqusiisut
pissutigalugit, naalagaaffimmi innuttaassutsimik arsaarneqarneq il.il)

Qallunaatut innuttaassuseqarnerup arsaarinnissutigineqartarnera pillugu malittarisassat allanngortinneqarneri, inatsisip allanngortinneqarnerata kingunerisimavaa, ilaatigut tamanna Danmarkip nunat tamat akornanni pisussaaffiitut akerliussanngippat, taamaalilluni inuk iliuutsumik pillaatissiissutaasinnaasumik iliuuseqarsimasoq, aamma taamaaliornermigut iliuutsumik, naalagaaffiup pingaarutilimmik soqutigisaanik ajoqusisimasoq, eqqartuussutikkut qallunaatut innuttaassuseqarneranik arsaarneqassalluni. Tamanna Danmarkip nunat tamat akornanni pisussaaffiitut akerliussanngippat, aamma qitornaq taamaaliornikkut naalagaaffimmi sumiluunniit innuttaassuseqanngitsunngussanngippat, pissutsit peqquserluutaasut malitsigisaanik kinaluunniit innuttaassusermik arsaarneqarpat, aamma pineqartup qitornaa eqqartuussutikkut innuttaassusermik arsaarneqarnissaa aammattaaq eqqunneqarpoq. (Missingiummi § 1, nr. 16-imiit 19 ilanngullugu aalajangersakkat, aamma § 2, imm. 4 aamma 5)

- Qallunaatut innuttaassuseqarneq pillugu inatsisip allanngortinneqarnera pillugu inatsit nr. 487, 13. maj 2023-imeersoq
- (Naalagaaffimmi innuttaassuseqarneq pillugu isumaqatigiisummi aalajangersakkap atortuulersinneqarnera)

Qitornap qallunaatut innuttaassuseqarnermik pissarsineranut pissutsit tunngaviusut, pissarsinermut tunngavigineqarsimasut, piujunnaarsimasut paasineqarpat, qitornaq qallunaatut innuttaassusermik pissarsisimanngitsutut isigineqassasoq, inatsimmik allanngortitsinerup kingunerisimavaa. Qitornaq taamaaliornikkut naalagaaffimmi sumiluunniit innuttaassuseerutissappat imaluunniit pineqartup 18-iliinerata kingorna paasaqarneq pisimappat, taamaattoq tamanna atuutinngilaq. (Missingiummi § 1, nr. 1, 3 aamma 4, aamma § 2, imm. 2)

3. Peqqussutissatut missingiummi matumani, qallunaatut innuttaassuseqarneq pillugu inatsisip allanngortinneqarneri tulluuttut Kalaallit Nunaannut atuutilersinneqannginnissat siunnersuutigineqarpoq:

- Qallunaatut innuttaassuseqarneq pillugu inatsisip allanngortinneqarnera pillugu inatsit nr. 1193, 8. juni 2021-imeersoq
- (Pinerlunniaqatigiit ilungersunartumik pinerluttuliornerisa ilaannut, naalagaaffiup pingaarutilimmik soqutigisaanut ilungersunartumik ajoqutaasunut, naalagaaffimmi innuttaassutsip arsaarinnissutigineqarnera)

Innuttaassuseqarneq pillugu inatsimmi § 8 B, imm. 1-p allanngortinneqarnera inatsisip allanngortinneqarnerata kingunerisimavaa. Inatsisikkut nr. 453-ikkut, 20. april 2022-imeersukkut aalajangersagaq kingusinnerusukkut nutaamik oqaasertaliorneqarpoq.

- Meeqqat pillugit inatsisip, meeravissiarthaarneq pillugu inatsisip, angajoqqaat oqartussaasuunerat pillugu inatsisip aamma inatsisip assigiinngitsut allat allanngortinneqarneri pillugu inatsimmi nr. 1687-imi, 30. december 2024-imeersumi § 13
- (Naartuussinikkut ilaqutariinnik pilersitsineq, ataataaqataasup inatsigut angajoqqaanngornera, inersimasunik qitornavissiarthaarnermikkut ilaqutariit pilersinneqartarnerisa piuminarsarneqarnera il.il.)

Ataataaqataasumit qallunaajusumit ataataqarluni inunngornermi qallunaatut innuttaassusermik pissarsisinnaaneq inatsisip allanngortinneqarnerata kingunerisimavaa.

Allannguutissatut inatsisip Kalaallit Nunaannut atuutilersinneqarnissaa pillugu aqqut immikkoortoq ingerlanneqarpoq, matumani taassuma § 13-ia ilanngullugu, taannalu Social- aamma Boligministereqarfimmi tunngaveqartinneqarpoq.